



UNIVERSITÄTS-
BIBLIOTHEK
PADERBORN

Universitätsbibliothek Paderborn

Chronologia Monasteriorum Germaniæ Præcipuorum Ac Maxime Illustrium

Brusch, Kaspar

Nürnberg, 1682

S. Walburgis monialium, ..., intra muros Aichistadianæ urbis situm, ...

urn:nbn:de:hbz:466:1-38166

adhuc à sacris concionibus. Saxo in pavimento jacenti incisum tale est:

*Arma Simon Golius posuit; lapis hic habet ossa:
Spiritus ipse aura vescitur ætherea.*

Parieti adscriptum.

*Debita jura Simon subiit quoq; Gollius Abbas
Mortis: nam fato cuncta creata ruunt.*

*Hic multum studuit miserorum impendere turbae,
Filius cœnobio per vigil atque pater.*

*Regna colit cœli felix, ubi passus acerbas
In terris curas præmia letus habet.*

Eidem Abbati aliquando petenti à me tale epitaphion factum est:

*Huic mandavit humo Simon sua Gollius Abbas
Ossa, sed in cœlis Spiritus astra videt.*

*Et quos esuriit, dum vi veret, atq; siti vit,
Vescitur ille cibus, nectare & ambrosia.*

Lengelfeld:

47. *Jacobus Koplinius*, Macropedianus ex Lengelfeldo, non Palatinorum in Bavaris oppido, sed Sueviæ pago quodam natus, vir procera corporis statura, animi vero ac ingenii dexteritate præclara præditus, eligitur in Abbatem S. Ulrici, Wittelsbachii in arce prope Aichachium Baviaræ Ducum oppidum sita, anno Domini 1548. decima quarta Maji. Remigravit sequente anno in Augustanam urbem, ubi præsidet feliciter utiliterq; hoc adhuc currente Jubileo.

*Heidenheimium
Cœnobium: Olem
um S.
Walburgis.*

WALBURGIS monialium, D. Benedicti regulam profitentium, magnificum monasterium, intra muros Aichstadianæ urbis situm, coepit in urbe sub Episcopo Aichstadiano sexto, Domino Odogero, qui S. Walburgin, Abbatissam primam Heidenheimensem, S. Wilibaldi Episcopi & S. Wunibaldi Abbatis sororem, consensu Pontificis Maximi Adriani II. de tumulto lavatam ac Diviarum numero adscriptam ex Heidenheimensi templo Aichstadium transtulit annum Christi circiter 870. ubi hodie

hodie adhuc ex ejus corpore oleum in subjectum quoddam argenteum vas (quod oleo sudare ipse vidi) miraculose destuere dicitur, quod multis gravibus morbis mederi ajunt. De hac S. Walburgi, Anglorum Regis Richardi filia, tales extant versiculi, à *Wolfhardo*, monacho Hasenrietano, ad petitionem & preces Erchemboldi, Aichstetensis Episcopi, olim compositi.

*Filia Regis erat, sed egenam se faciebat,
 Di ves ut in Christo, regnaret semper in ipso:
 Quam sit chara Deo, monstrant miracula crebro,
 Quæ meritis ejus confert de Virgine natus.
 Ex ejus tumba manat sacra pectoris unda:
 Seruæ namq; Dei lux cæli splenduit illi.*

Hoc ipsum cœnobium postea anno Domini 1034. temporibus Imperatoris Conradi II. ab Heriberto Episcopo auctum & quasi renovatum, ejusque instinctu à Leodegario, Comite de Lechsmund, liberalissime donatum est, qui periculose decumbens ab Heriberto Antistite in Diaconum consecratus tandem Dei beneficio pristinae sanitati restitutus ejusdem monialium congregationis Sacellanus factus, summa humilitate illic reliquum vitæ inter Dei servitiæ & pias preces transegit. Hujus amplissimi monasterii Abbatissarum & gubernatricum non extat integer quidem catalogus. Harum tamen, quæ extant nomina, hic etiam in nobilium familiarum (ex quibus natae fuerunt) memoriam ac honorem omittere non volui.

- | | |
|-------------------------------------|-------------------------------------|
| 1. <i>Euphemia de Emendorff.</i> | 6. <i>Elisabeta de Seckendorff.</i> |
| 2. <i>Sophia de Huttingen.</i> | 7. <i>Guta de Straß.</i> |
| 3. <i>Margareta ab Alreshausen.</i> | 8. <i>Catharina de Seckendorff.</i> |
| 4. <i>Anna de Rechberg.</i> | 9. <i>Mechtildis de Uttenbo-</i> |
| 5. <i>Margareta de Hageln.</i> | <i>fen.</i> |

Hæ omnes nobiles fuerunt Dominæ, & quæ ante reformationem huic cœnobio præfuerunt, de quibus nihil amplius annotatū est.

10. *Domina Elisabeta de Seckendorff* præfuit anno Domini 1456. quo Reverendissimus Episcopus Aichstadianus, D. Johannes de Quercu, cœnobium S. Walburgis reformavit. Hæc Episcopo Abbatiam reddidit & reformatrici sese subdidit.

11. *D. Sophia* reformatrix, ex Colonia Agrippina ad reformandum cœnobium accita, præficitur S. Walburgis cœnobio anno 1456. Præfuit laudabiliter 19. annis. Deceffit ex hac vita 6. Iduum Julii, anno Dominicæ Incarnationis 1475.

12. *D. Ursula de Reichenaw*, laudatissimi Antistidis Aichstadiani Gulielmi germana foror, successit Dominae Sophiæ. Præfuit annis undecim. Obiit anno 1486. in die S. Mauri.

13. *D. Walburgis à Fromvergk*, de Rhenensi provincia adveniens, præfuit annis septem & obiit anno Domini 1493.

14. *D. Margareta*, nobilis & egregia virtute prædita herois à Schaumberg, successit Walburgi, electa in vigilia Andreae anno 1493. Præfuit 14. annis. Obiit anno Domini 1508. ipsa die S. Erhardi.

15. *D. Walburgis de Abbsperg* eligitur in die S. Polycarpi anno 1508. Præfuit annis 30. Obiit anno Domini 1538. in die S. Emerentianæ.

16. *D. Margareta de Seckendorff* eligitur postridie S. Valentini anno 1538. Præsidet hoc adhuc currente Jubileo.

Heptinacria.

WILLIBRORDI, aut (ut alii eum vocant à liberali panum distributione) Willigbrodi, cœnobium Heptinacrianum vel Epternacense à civitate quatuor milliariibus à Treveri versus Lutzelburgum intra septem altissimorum montium juga constructa, in qua situm est, sic dictum, monachorum Benedictinæ professionis, sub Treverensi Diœcesi, amplissimum ac opulentissimum monasterium, fundatum & constructum legitur anno Domini 696. ad preces S. Willibrordi, primi Archiepiscopi Trajectensis, à Domino Pipino seniore, Francorum Duce, ejusque conjuge Domina Blitrude: utriusque item clarissimo filio, Domino Carolo Martello, cooperante Domina Irmina Abbatisa & fundatrice Treverensis horrei, quæ hujus cœnobii diplomatis fese subscripsit, in Christi nomine Deo sacratam, etsi indignam gratia Domini Abbatisam. Privilegium à Pipino fundatore datum ita habet inter cætera.

Privilegium Epternacense.

Ita